


Les Quartiers / Los Quatzièrs

-  *Le Moulin du Mas / Lo Molin del Mas*
-  *Le Pont Vieux / Lo Pont Vièlh*
-  *La Mayonette / La Malhoneta*
-  *Le Roc Piquat / Lo Ròc Picat*
-  *La Gare / La Gara*
-  *La Ville / La Vila*
-  *Le Roc / Lo Ròc*

LACAZE LA CASA



Les Rues / Las Carrièras

- | | | |
|--|------|---------------------------------------|
| <i>Place du Château</i> | .1. | <i>Plaça del Castèl</i> |
| <i>Passage de l'Orangerie</i> | .2. | <i>Passatge de l'Irangeda</i> |
| <i>Rue du Pont Vieux</i> | .3. | <i>Carrièra del Pont Vièlh</i> |
| <i>Rue du Pradel</i> | .4. | <i>Carrièra del Pradèl</i> |
| <i>Rue du Gijou</i> | .5. | <i>Rengada de Gijon</i> |
| <i>Avenue du Poids Public</i> | .6. | <i>Avenguda del Pes Public</i> |
| <i>Rue de la Mayonette</i> | .7. | <i>Carrièra de la Malhoneta</i> |
| <i>Rue du Pont Neuf</i> | .8. | <i>Carrièra del Pont Nòu</i> |
| <i>Impasse du Moulin du Bourg</i> | .9. | <i>Androna del Molin del Borg</i> |
| <i>Route de Camalières</i> | .10. | <i>Rota de Camalièras</i> |
| <i>Rue des Fontaines</i> | .11. | <i>Carrièra dels Grifòls</i> |
| <i>Rue de l'Horloge</i> | .12. | <i>Carrièra del Relòlge</i> |
| <i>Chemin de la Prade</i> | .13. | <i>Camin de la Prada</i> |
| <i>Chemin de la Bessède</i> | .14. | <i>Camin de la Beceda</i> |
| <i>Traverse du Roc</i> | .15. | <i>Travèrsa del Ròc</i> |
| <i>Route de Saint Pierre de Combejac</i> | .16. | <i>Rota de Sant Pèire de Combojac</i> |
| <i>Rue du Petit Train</i> | .17. | <i>Carrièra del Pichon Tren</i> |
| Hors plan : Le Mas | | Fòra del plan : Lo Mas |
| <i>Chemin de la Foulié</i> | .18. | <i>Camin de la Folià</i> |
| <i>Rue de la Voie Ferrée</i> | .19. | <i>Carrièra del Camin de Fèr</i> |
| <i>Rue de Saint Sever</i> | .20. | <i>Carrièra de Sant Sever</i> |



D 81

LACAZE

LA CASA

Dins aquèl numerò : **Las Carrièras de La Casa** (Les rues de Lacaze)

Plan venguts a La Casa*.

Aqueste còp, vos prepausi una passejada per las carrièras novèlament batejadas del vilatge nòstre.

Per començar, retrobatz-me davant lo "pes public", en fàcia del "camin de La Beceda" que contunha cap al cementèri protestant, sus la rota departamentala 81 ara nommada "avenguda del Pes Public". Anem ensemble cap a La Cauna e daïsem la "carrièra del Pichon Tren" a man esquèrra. Al sègle darrièr, la gara de La Casa èra en naut d'aquel camin. Entre la gendarmariá e l'ancian restaurant, virem a drecha per davalar la "carrièra del Pont Nòu". Aprèp aver passat lo temple, daïsem lo quartièr del Ròc sus la drecha e contunhem sul pont nòu per arribar, aprèp lo pichon "camin de la Prada", sus la "plaça del Castèl". Aquí avèm lo castèl a man drecha e mai la comuna et la glèisa de l'autre costat. Passem ara davant l'ostal de la Comuna e l'ostal de Dieu per pujar per la "carrièra dels Grifols", nommada coma aquò perque entre dos grifols. A man gaucha podèm seguir la "carrièra del Relòtge" que deu son nom a una torre del relòtge desaparegut dempuèi mai d'un sègle ; aqueste carrièra contunha cap al cementèri catolic. Tornèm sus nòstres passes dusca la fin de la carrièra dels Grifols per virar a man drecha sus la "rota de Camalièras".

Abans de tornar sus la plaça del Castèl, trobam en contra-bas, la "carrièra de la Malhoneta" (pas res de veire amb lo mot francés "malhonnête"), e "l'Androna del Molin del Borg" amb la seuna molina reirala.

Traversem un còp de mai la plaça del Castèl per dintrar dins lo "Passatge de l'Irangeda". Vos anatz pensar benlèu que pòt pas i aver d'Irange a La Casa ! Error, i aviá 40 irangièrs pendent la Renaissance dins l'Irangeda qu'èra dins aquela carrièra. Aprèp aver caminat dins tota la mòta castrala, quitem aqueste passatge per arribar dins la "carrièra del Pont Vièlh". Abans de passar lo pont, virem a man drecha per la "carrièra del Pradèl" en direccion de las ancianas escòlas e de la ribièra. Pel Pont Vièlh, passem ara de l'autre costat de l'aiga per seguir la "rengada de Gijon", passar davant l'anciana e la novela planca e arribar a la "Travèrsa del Ròc" per acabar nòstra passejada.

Espèri que la visite vos a agradat e que tornaretz a La Casa e... qu'i menaretz los vòstes amics !

* Mai d'un vilatge pòrta aquèl nom ; "La Casa" ; avent pres aici lo sens de "domeni senhoral", precisem qu'èra lo "de Senegats".

Si vous souhaitez mieux connaître l'occitan ("lo patés") des cours gratuits sont proposés à Vabre et Brassac.